

Najib minta bapa bimbing anak jadi rakyat terbaik

Malaysiakini.com

June 18, 2011

Perdana Menteri, Datuk Seri Najib Razak meminta golongan bapa supaya membimbing anak-anak mereka supaya menjadi rakyat Malaysia yang terbaik.

Dalam laman facebooknya, Najib mengajak golongan bapa merenungkan transformasi peranan bapa dalam keluarga sempena Hari Bapa hari ini.

"Semakin ramai kaum bapa mengimbangi tanggungjawab profesional dan peribadi mereka sebagai pembimbing anak. Saya sendiri cuba melakukan yang terbaik sebagai seorang bapa.

"Kepada kaum bapa, bimbinglah anak-anak kita, dan bekalkan mereka dengan keupayaan untuk menjadi ibu bapa dan rakyat Malaysia yang terbaik," katanya.

Najib juga menghantar kenyataannya itu kepada rakyat menerusi Khidmat Pesanan Ringkas (SMS).

- Bernama

Copyright © 1999-2007 Mkini Dotcom Sdn. Bhd
<http://www.malaysiakini.com/news/167326>